

**T
a
t
a
r
o**

Tataro ni Katorika

**K
a
t
o
r
i
k
a**

1. Te Tataro ni Kaukuki	3
2. Te Tataro nakon te Tamnei ae Raoiroi	4
3. Te Kaoti Onimaki ni Katorika	4
4. Tamara are i karawa	5
5. Tataro i main te Komunio	5-6
Tataro n Onimaki	
Tataro n Taromauri	
Tataro n Tangitangiri	
6. Tataro i muin te Komunio	6-8
Tamnein Iesu	
Te Tia Kawakin Tibu ae Raoiroi	
Tataro n Tangira Iesu	
Te Katituaraoi	
Te Bubuti	
Te Anga Nano	
Te Taeka ni Kamatoatoa	
Tataro i matan te Kaibangaki are e tauraki Iesu iaona	
7. Tataro riki tabeua	8-12
Tataro nakon Nei Maria	
Ko na Mauri te Uea	
Tataro nakon Tianto Ioteba	
Ana Tataro St Baraniko	
Tataro nakon te Anera ae te Tia Kawakin	
Ana Tua te Atua	
Ana Tua te Ekaretia	
Ana Kakabaia Iesu	
Te Kaotibure	
Te Tataro n Nanomaraki	
Te Tataro ni Kabo muin buure	
Te Tataro ni Kakoaua	
Tataro n Onimaki	
Te tataro n Tangira	
Tataron te Eukari mairoun St Arebonto mai Rikori	
Ana Tataro te Uea	
Karaoan te Matu	
Katituaraoi i main te amarake	
Katituaraoi i muin te amarake	
8. Taian Miterio aika Aua.	13
9. Tataro ni Kainiin	14
10. Te Mii ni Burabeti	15

1. Tataro ni Kaukuki:

N aran te Tama ao te Nati ao te Tamnei ae Raoiroi, Amen.

V. E bia tangiraki n taabo ni bane Atiniban Iesu ae moan te Tabu,

R. N aki toki

V. Ara Uea te Baretenia mairoun Atinibaan Iesu,

R. Tataro ibukira

Anera:

E kaoti taeka ana Anera te Uea nakon Nei Maria, ao e kariki mairoun te Tamnei ae Raoiroi. (Ko na mauri, Maria...)

Aio ana toro te Uea- E na karaoaki nakoia n ai aron am taeka
(Ko na mauri, Maria...)

Ao e riki n iriko te Taeka - ao e maeka i buakora (Ko na mauri, Maria...)

Ko na tataro i bukira Santa tinan te Atua - ba ti aonga n anganaki muin ana taeka Iesu Kristo nakoira.

Ti na tataro.

Ti a butiko, te Uea, ba ko na nurakina am karatia i nanon tamneira, ba ngkai ti a ongo ni banan te Anera ana riki n aomata Natim ae Iesu Kristo, ao ti na kairaki ni Pationa ao n ana kaibangaki, nakoni mimitongini mangautina, iroun Iesu Kristo ae ara Uea. Amen.

Ueani Karawa

V. Ueani Karawa ko na kukurei Alleluia

R. Ba Teuare ko kariaia ba Tinana Alleluia

V. E a mangauti n ai aron are e a tia n atongnga, Alleluia

R. Ko na tataro i bukira nakon te Atua, Alleluia

V. Ko na kakatonga ao ko na kukurei, ngkoe te Paretenia ae Nei Maria Alleluia.

R. Ba e a mangauti ni koaua te Uea, Alleluia

Ti na tataro.

Te Atua ae ko kani kakukureia aonaba ni Mangautin Natim ae ara Uea ae Iesu Kristo, ti a butiko, ba ti na karekea iroun Tinana te Paretenia ae Nei Maria, kabaian te maiu ae e aki toki, irouni Iesu Kristo ae ara Uea Amen.

2. Tataro nakon te Tamnei ae Raoiroi:

V. Nakomai te Tamnei ae Raoiroi kaon nanoia taan onimaki ao kaura ain tangiram i nanoia.

R. Kanakomaia am Tamnei ao E na karikaki baai. Ao E na onika taraan aonteaba.

Ti na tataro.

Te Atua ae Ko kaotai ngkoa nanoia taan onimaki n ana ota te Tamnei ae Raoiroi. Anganira te Tamnei naba arei ba ti na tangiri baika a raoiroi ao ti na kakatonga n ana kabebete nano. Iroun Iesu Kristo ae Ara Uea, Amen.

3. Te Kaoti Onimaki ni Katorika (Are n te Taabati)

I kakoaua te Atua ae ti Temanna, are te Tama ae moan te maaka, ae te tia karika karawa ma aonnaba, ma bai nako aika noraki ma aika aki noraki. I kakoaua te Uea ae ti temanna ae Iesu Kristo, ae ana Rikitemanna te Atua. E karikaki iroun te Atua I main tai nako. Bon te Atua mairoun te Atua, ao te Ota mairoun te Ota, ao te Atua ni koaua mairoun te Atua ni koaua. E karikaki n aki karaoaki, ao ti te arona ngaia ma te Tama ao a bane baai ni karaoaki irouna. E ruo mai karawa I bukira, ngaira aomata, ao ibukin kamaiura. E riki ni iriko ni makan te Tamnei ae Raoiroi, iroun Nei Maria ae te Baretenia, ao e riki n aomata. E tauraki n te kaibangaki ibukira, ao E mate ma n taunaki n ana tai Bontio Birato. E mangauti I muin tenibong n ai aron taekana n taian koroboki. E waerake nako karawa ao e tekateka I angatain te Tama. E na manga nakomai ma te mimitong ni motiki taekaia akana a maiu ma akana a mate, ao e na akea tokin Ueana. I kakoaua naba te Tamnei ae Raoiroi, are te Uea ma te Tia Kamaiu, are mairoun te Tama ao te Nati. Ao bon raon te Tama ma te Nati n taromauiaki ma n neboaki. Ao e taetae irouia burabeti. I kakoaua te Ekaretia ae ti teuana, ae e tabu, ae te Katorika, ae aia Ekaretia Abotoro. I kakoaua te Babetito ae ti teuana, ae kabarai bure. I kantaninga mangautia maate. Ao te maiu n te tai ae e na roko. Amen.

Te Kaoti Onimaki ni Katorika (N te Moanibong nakon te Kaonobong)

I kakoaua te Atua ae te Tama ae moan te maaka ae te tia karika karawa ma aonnaba. I kakoaua Iesu Kristo ae natina ae te Rikitemanna ae Ara Uea. Are e riki n aomata n ana makuri te Tamnei ae Raoiroi, ao E bungiaiki mairoun Nei Maria ae te Paretenia ao E maraki ngke e tautaeka

Bontio Birato ao E tauraki iaon te Kaibangaki. Ao E mate ao E taunaki ao E ruo nakon aia tabo maate ao E mangauti n te Katenibong mai buakoia maate, ao E waerake nako karawa ao E tekateka iangatain te Atua te Tama ae moan te maaka. E na roko mai iai ba E na motikitaekaia akana maiu ao akana mate. I kakoaua te Tamnei ae Raoiroi ae te Ekaretia ae tabu ae te Katorika ao botakiia akana Tabu ao kabaraani buure ao mangautin te rabata ao te maiu ae akea tokina. Amen.

4. Tamara are i karawa, e na tabuaki aram. E na roko ueam. E na tauaki am taeka, i aon te aba n ai aron tauana i karawa. Anganira n te bong aei karara ae ti a tau iai. Ao kabarai ara bure, n ai arora ngkai ti kabarai aia bure akana a bure nakoira. Ao tai kairira nakon te kaririaki: ma kamaiura man te buakaka. Amen.

Ko na mauri, Maria, ae ko oni n te karatia; E mena te Uea iroum. Ko karaoiroaki i buakoia aine, ao E karaoiroaki uaan birotom ae Iesu

Santa Maria ae tinan te Atua Ko na tataro i bukira ngaira taani bure ngkai ao n taini matera, Amen.

E na neboaki te Tama ao te Nati ao te Tamnei ae Raoiroi, Ngkai ao n taai nako n ai arona ma ngkoa, Amen.

Iesu Tia butiko, Kabarai ara bure tukira man te ai ni mone. Kairia aomata ni kabaneia nako karawa, ao buokia akana a kananoanga riki.

5. Te Tataro i main te Komunio

Te Tataro n onimaki.

Ara Uea, ae Iesu Kristo, I korakora n onimaki, ba ko memena n te Eukari, ao N nang anganaki i nanon te Komunio. Rabatam ma Raram, ma Tamneim ao arom n Atua: I kakoaua anne, ngkai bon am taeka, ao I kan anga maiu ni kani kakoaua am taeka.

Te tataro n taromauri

Te Uea ae Iesu, I taromauriko ikai ngkai ko raba ni katotongan te pane. I ataiko ba te Tia-kariki bai ao Atua ngkoe. I aera ni kawariko, ngai are I bati ni bure nakoim?

Te tataro n tangitangiri

Iesu ae au raoiroi n ti ngkoe, ko tangirai n ua matem i aon te kaibangaki, ba N na maiu iai, ko tangirai ni kani kaamarakeai n Rabatam ma Raram, ao ngai I kan tangiriko naba ma nanou ni kabane, ao I kani maiu ma ni mate i nanon tangiram. Nakomai, Iesu, maeka i nanou ba I kani botaki ma ngkoe, ao I kani kaonaki n am karatia ma ni makaiuaki i buakon kain-nanou nako.

Te Uea, I aki riai ba ko na rin i an umau ma ti teuana am taeka ao e a maiu naba tamneiu.

6. Tataro i muin te Komunio:

Tamnein Iesu Kristo

Tamnein Iesu Kristo, katabuai. Rabatan Iesu Kristo, kamaiuai. Raran Iesu Kristo, kaonrakeai. Ranin rarikin Iesu Kristo, tebokai. Bation Iesu Kristo, kakorakorai. Iesu Kristo ae moa n te raoiroi, ongo irou. I nanon ikoakim, karabai. Tai katauai, ba N na raure ma ngkoe. Mairoun au kairiribai ae ioawa, kawakinai N taini mateu, weteai. Ao tua ba N na nakoim, ba I aonga n neboiko ma kaini karawa, n te tai are aki toki, Amen.

Te Tia Kawakin Tibu ae Raoiroi:

Te Uea ae Iesu Kristo, bon te Tia-kawakin-tibu ae raoiroi ngkoe. Ko tangiria am tibu n te tangira ae moan te tamaroa. Ko anga maium i bukia, ao ko aki toki ni kawakinia. Ko kaamarakeia n irikom ao ko kamoia n raram. Ti katituaraoiko ngkai ko mate n tangiri tamneira; ao ti butiko ba ko na buokira n ara bong nako, ao n taini matera, tuka te kameanti are i mone. Ko na kakorakoraira n ara buaka ma ngaia, ao taua nanora ma rabatara n te itiaki, ba ti aonga n roko n te taina iroum i nanon te maiu are aki toki. Ngkoe te Atua ae ko maiu ao ko Uea ma te Atua te Tama ao te Tamnei ae Raoiroi n te tai are aki toki, Amen.

Te Tataro n Tangira Iesu:

Taetae, te Uea ae Iesu, taetae, ba e kantaninga am toro n am taeka. I kunea Teuare e tangiria tamneiu, ao N na aki kitanna. E neboa te Uea tamneiu, ao e kimareirei nanou iroun te Atua ae te tia Kamaiu. Aitai nakoim, ngkoe te Uea, ae ko taonai n am tangira. Atuau, ko na tangiraki irou ao irouia au koraki aika raou ao irouia aomata nako. Ko na tangiraki, Atuau, Ti bia bane n tangiriko ma n neboiko ao ni karaoiroiko ngkai ao n aki toki.

Te Katituaraoi:

Au Uea ae Iesu Kristo, I katituaraoiko n am tangira are ko a kawara tamneiu ma ni maeka iai. Ko tangirai n ua matem ngkoa i buku, ao ngkai ko a manga tangirai n te aro ae moan te kamimi, ba ko ruo ni botiko ma tamneiu. Ao tera ane N na angan au Uea, ba boon are e anganai nako? I tuangko, Iesu ba I kan uringa arom nako iu n aki kauniko riki n au bure.

Te Bubuti:

N na aki kitaniko au Iesu, ba ko na karaoiroai moa, ao ko na karaoa nanou are Ko roko iai ba ko na karaoia. Katamaroa tamneiu, ao kamena iai are ko tangiria. Kaitiaka rabatau, karokoa inanon tamneiu uani maium ma matem. Kanimko ma ngai, ao kanimai ma ngkoe. Maiu i nanou ba N na maiu n aki toki i bukim. Angania uake I bae N tatara ibukiia taian Karatia aika riai i bukia, Uringia naba tamnei aika maraki n te burikatorio. Ko aki kona n rawa n anganai te bai teuana i rarikin are Ko a tia n anganai boni Ngkoe.

Te Anga Nano:

Te Atua ae moan te atataiaomata, ko kabaneko nako iu, ao ko tangirai ba N na kabaneai nakoim. ma ngaia are, I anganiko nanou ni kabane ma au iango, ao au makuri nako. Tokara tamneiu, Uean nanou, tokaria n au bong nako, ba I muiokoia i nanoni baim, Atuau. Nei Maria, kawakina au karea aei n angan te Atua ae Teniman-n-Temanna ao bubuti i buku ba N na kakaonimaki nakon te Atua n ua mateu.

Te Taeka ni Kamatoatoa:

Atuau, I anganiko au taeka ba N aki oki ni karaoa te bai are ko ribaia, ao N na ira nanom n au makuri ane ko kariaia irou. I kararoai mairou baika kabakai mai maina. ma ngaia ae, a na kerikaki iango ma taetae ma makuri aika buakaka, ao a na kerikaki te un ao te kaunun ma te kairiribai nako, ao a na kerikaki te taningaroti n te Aro, ma te aki kakaonimaki. E tau riki mateu nakon te baka n te bure. Kamatoa nanou n te taeka aei, Atuau, au anganai ba N na tangiriko, ao N na neboiko n te tai ni maiu aei, ao n te tai are aki totoki. Amen.

Te tataro i matan te Kaibangaki, are e tauraki Iesu i aona:

Iesu ae raoiroi ao moan te tangiraki, aio ngai ba I bobaraki ni katorobubua i matam. ao I butiko ao I kairoroko ma korakoran nanou ni bane, ba ko na korea i nanon tamneiu te nano ae maiu n te onimaki, n te kantaninga ao n te tangitangiri, ao te nanomaraki ae koaua n au bure, ma te nano ae korakora n aki okiria, ngkai I iangoi ma n taratarai i nanou ikoakim ake nimaua ma te nano ae ababaki n tangitangiri ma ni maraki, ngkai a mena i matau taeka aikai, ake e a kaman atong Tawita are te burabeti ba taekam, Iesu raoi: 'A ewari baiu ma waeu, ao a wareki riu ni bane'.

7. Tataro riki tabeua

Te tataro nakon Nei Maria

Nei Maria ae Ara Uea mairoun Atinibani Iesu. Uring taiani kamimi ake E karaoi te Uea i bukim. E rineiko ba tinana. E tangiriko i rarikin ana kaibangaki ao E kairiko ba raona n te mimitong E kan ongo am bubuti. Anganna ara nebonebo ma ara katituaraoi kaongoa ara Tataro. Buokira ni katotongko n tangira natim ba e na roko Ueana. Kairia aomata ni kabaneia nakon Atinibanna ae koburake ma iai te Ota ma te Maiu ao te Raoi ma te Eti. Ti onimakiniko ongo ara wewete ao kaotiko n taai nako ba tinara. Amen.

Ko na mauri, te Uea

Ko na mauri, te Uea, ae te Tina moan te atataiaomata; ngkoe maiura ao kukureira ao ara kantaninga, ko na mauri. Ti vevete nakoim, ngaira iruwan ikai aika natin Nei Eva. Ti taka ni kan nakoim ngkai ti tang ni maikeike n te marua n tang aei. ma ngaia ae, ko na katanimai matam aika atataiaomata nakoira, ngkoe ara tia buobuoki. Ao i muin ara tai n iruwa aei, ko na kaota nakoira Iesu, ae uani birotom ae moan te karaoiroaki. Ngkoe Nei Maria, te Paretenia ae moan te atataiaomata, moan te tangiriaomata ao moan te raoiroi.

Tataro nakon Santo Ioteba

Santo Ioteba, karina iroura te tangira ae am tangira nakon Iesu ma Nei Maria. Reireinira arora ni kakaonimaki n ai arom, ni bai ni kabane ao ni katoa bong. Ti muiokoiko ba Ko na kawakina ara utu ni kainnanora nako ni bain te tamnei ao ni bain aonteaba.

Buoka te Ekaretia ngkai ko muiokoaki ba te tia kawakinna. Tataro i bukira n tatabemanira,ba e na reke iroura te karea ae te teimatoa n ua matera, ba ti aonga ni buoka am makuri i aon te aba ma ni kabaia ma ngkoe n aki toki. Amen.

Ana Tataro Santo Baraniko:

Te Uea, karikai ba am tia raoi temanna. N na onea muin te kairiribai n te tangira,

muin te matauninga n te kabarabure,

muin te nanokokoraki n te onimaki,

muin te barannano n te ungannano,

muin te ro n te ota

ao muin te nanokawaki n te kimareirei.

Au tia reirei ao Atua, buokai ba N na kakaea tiaki kabebeteau moa, ma kabebeteaia aomata, tiaki au eti moa ma aia eti aomata, ti aki tangirau moa ma tangiraia aomata, ba kawain te anganganaki bon te anganga nako. Kawaini kabaran ara bure bon te kabarai moa aia bure aomata. Ao te mate, kawain te bungiaki nakon te maiu ae akea tokina. Amen.

Te tataro nakon te Anera ae te Tia Kawakin:

Te anera ni karawa ngkoe ae te Tia Kawakinai ae Ko kakaonimaki ma n akoai. Tataro i buku ba N na ira nanon te taeka are Ko tuangnga nanou, ao N na toua te Kawai are Eti n aki riaon ana Tua te Atua.

Ana Tua te Atua

1. Ko na taromauria te Atua n ti ngaia ao ko na tangiria iaoni bai ni kabane.
2. Ko na karinea aran te Atua
3. Ko na katabua ana bong te Atua
4. Ko na karinea tamam ma tinam
5. Ko na tai kamamate
6. Ko na tai kamara
7. Ko na tai ira
8. Ko na tai kewe
9. Ko na tai kaitatan
10. Ko na tai mataai

Ana Tua te Ekaretia

1. Ko na katabua te Tabati ma bongin Tooa ni kawara te Tutia iai ao Naki makuri iai.
2. Ko na aki mamatam ao Ko na tabui amarake ni boong aika motikaki.
3. Ko na kaotibure n te ririki koraki
4. Ko na komunio ni Bakate
5. Ko na buokia taani kawakiniira n te Aro
6. Ko na kawakina Tuan te Mare.

Ana Kakabaia Iesu

1. A kabaia akana aki ukera te kaubai ba aia bai te abanuea ae karawa.
2. A kabaia akana a nimamannei ba a na abana te aba.
3. A kabaia akana a kai nanoia ba a na kabebeteaki.
4. A kabaia akana a barua te eti ba a na rauaki.
5. A kabaia akana atataiaomata ba a na nanoangaki.
6. A kabaia akana a itiaki nanoia ba a na itaramata ma te Atua.
7. A kabaia akana tangira te raoi ba a na aranaki ba natin te Atua.
8. A kabaia akana a bainikirinaki i bukin te raoiroi ba a na ababaki kanuangaia i karawa.

Te Kaotibure:

I kaotia nakon te Atua ae moan te Maka, ao nakoimi, tariu ba I bati ni bure n te iango ao n te taetae, n te makuri ao n te aki muti. Bon te tia bure ngai. I butia Nei Maria ae te Paretenia n aki toki, ao anera ma kaini Karawa, ao ngkami tariu, ba kam na tataro i bukiu nakon te Uea ae Atuara. Amen.

Tataro n Nanomaraki

Iesu, I bati n nanokawaki n au bure, ba I ataia ba ko tangirai, ao ko kan tangiraki irou. Buokai ba N na aki oki ni karawawata nanom, ma N na kekeiaki ni kabebetea. Amen.

Tataro ni Kabomuin Bure:

Te Atua ae akea moam ao akea tokim. I anganiko Atinibanni Iesu ao I kabanea nakoim Ana tangira ma marakina, ao muin ana makuri, ba e na kabakaki iai kain au bure ni kabane ake I a tia ni karaoi, n te bong aei ao n au bongi ni kabane. E na Neboaki te Tama ao te Nati ao te Tamnei ae Raoiroi ngkai ao n aki toki n ai arona ma ngkoa. AMEN

Ao e na kaitiakaki iai te raoiroi are I aki karaoia raoi n te bong aei ao N au bong ni kabanea, E na neboaki te Tama ...

Ao E na kaboaki iai muin te raoiroi are I aki mutiakinna ni karaoia, n te bong aei ao N au bongi ni kabane, E na neboaki te Tama ...

Te Atua ae akea moam ao akea tokim, I anganiko raran Iesu Kristo ae moan te kakawaki ba e na kabakaki iai kain au bure ao e na buokaki naba iai kainnanon te Ekaretia ae Tabu.

Tataro ni Kakoaua:

Atuau, I korakora ni kakoauai ana taeka ni kabane te Ekaretia Katorika, ba bon am taeka ana taeka; ao te koaua am Taeka, ao e aki kona ni kairua.

Te Tataro n Onimaki

Atuau, I nanomatoa n onimakiniko, ba ko na anganai am karatia i aon te aba aei, ao ngkana I tau am tua, mimitongim i karawa, ba bon am taeka, ao moan te maaka ngkoe, ma ni kakaonimaki.

Te Tataro n Tangira

Atuau, I tangiriko ma nanou ni kabanea, ao tamneiu ni kabanea, ao ni korakorau ni kabanea ao i aoni bai ni kabane. Ao i bukin tangiram, I tangiria naba aomata ni kabaneia.

Tataron te Eukari mairoun St Arebonto mai Rikori

Au Uea ae Iesu Kristo Ko kaota am tangira i bukia aomata n tikum ikai i nanon te Takaramentu n Eukari n te ngaina ma te bong; Ko atataiaomata naba nakoia b'a Ko taningaia, Ko weweteia, ao Ko akoia akana a roko ni kawariko. Ao ngai I kakoaua b'a Ko memena n te Eukari i aon te baonikarea. Bon te akea ngai, ma I kan taromauriko naba ma ni katituaraoiko n am karatia ake ko a tia n anganai ao n am karatia riki aikai; b'a tikum i bukiu n te Eukari, ao rineakin Tinam te Baretenia Nei Maria b'a te tia buokai, ao weteau iroum b'a N na kawariko n te umantabu aei. I taromauriko, Atiniban Iesu ae ko bati n tangirai, ao teniua bukin rokou iroum; Teuana; N na katituaraoiko n am karea aika a kakawaki akanne; Uoua; N na kabo-muin tabaream ake i nanon te Takaramentu n Eukari irouia akana a ribaiko; Teniua; nanou naba ni kawaram aei; N na taromauriko n taabo nako i aonnaba ni kabuta ike e karako riki iai kawaram ma karineam n te Miterio n Atua aei.

Iesu, I tangiriko ma nanou ni bane, ao I raraoma ngkai a maiti rimoa au tai n aki kaboa am tituaraoi ae akea tiana. Nanou ngkai ni buokau te karatia. N na aki manga bure nakoim. Bon te kananoanga ngai, ma I kabaneai nakoim am bai ngkai nanou ni bane, ma au tangira ao motin nanou, am bai taekau ngai ma au bai ni bane. Ti au bubuti ma nanou nakoim, ba tangiram irou, te kakaonimaki nakoim n ua mateu, ao te irira nanom ni bai ni bane.

I muiokoia iroum kain te Burikatorio, ao I muiokoia riki uake a bati n tangira ngkoa i aon te aba te Eukari ao te Baretenia ae Nei Maria. I bubuti naba rairan nanoia taani bure ni bane aika a boni kaawa. Te Tia kamaiu ae moan te tangiraki irou. I boota au tangira ma ana tangira Atinibanim ni karean nakon Tamam ae i karawa ao I butia n aram be na akoka au bubuti ma ni kaeka i bukin tangirakim.

Karaoan te Matu

Ti na muiokoa te Atua, Nei Maria ao Anera ma kaaini Karawa.

Atuau I anganiko matu aei ba Ko na kamarurungai ni manga makuri iroum ni ingabong. Kararoa mairou te riaboro ma ana kariri nako. A na ruo i aou ao a na tiku irou am karaoiroi. Ana karaoiroi Nei Maria, ao taian Anera ma kaaini Karawa, Amen.

Katituaraoi i main te amarake

Te Uea, karaoiroira ao karaoiroa kanara ao nimara ae Ko anganira n am atataiaomata n aran Iesu Kristo ae ara Uea, Amen.

Katituaraoi i muin te amarake

Ti katituaraoiko te Atua ae moan te maaka n am karea ni bane. Ngkoe ae Ko maiu ma n Uea n aki toki, Amen. A na motirawa n te raoi n ana atataiaomata te Atua tamneia mate aika taan onimaki, Amen.

8. Taian Miterio ake Aua.

Miterio ni Kimareirei (E anaki n te Moanibong ao te Kaonobong ao n tain te Avenete ma te Kiritimati ao e toki n 2 Beberuare.)

1. Te Kaotitaeka, ao ana rikinaomata Natin te Atua

Uaana: Te nanorinano

2. Kawarakin Eritabeta iroun Nei Maria

Uaana: tangiraia aomata

3. Bungiakin ara tia Kamaiu i Betereem

Uaana: kakiakini maneni bain aonteaba ma taiani kaubai ao tangiran te aki kaubai.

4. Kaotakin ara Uea n te temboro

Uaana: itiakin te nano ao te rabata, ao te nano n taningamarau

5. Kuneakin Iesu n te Temboro

Uaana: te wanawana ae e koaua, ao te karatia n aki raure ma te Tia Kamaiu.

Miterio ni Maraki:(E anaki n te Kauabong ao te Kanimabong)

1. Ana buaka ni mate Iesu i Ketemani

Uaana: te nanomaraki n ara bure

2. Kataereakini Iesu

Uaana: Kamateakin nanora aika a bukaka

3. Baunakin atuni Iesu n te kai ae e kateketeke

Uaana: te nanomaraki n ara bure

4. Tabekakin te kaibangaki

Uaana: te taonannano n ara kaibangaki

5. Taurakini Iesu n te Kaibangaki

Uaana: Rairan nanoia akana a buakaka, teimatoaia akana a raoiroi, ao kabebetea marakia kain te Burikatorio.

40. Miterio ni Mimitong (E anaki n te Katenibong ao n te Taabati)

1. Mangautin Iesu

Uaana: Mangautin tamneira ao tangirakin te Atua ma te kakaonimaki nakoina n aki toki.

2. Waeraken Iesu

Uaana: Tangiran karawa ae abara

3. Ruon te Tamnei ae Raoiroi i aoia Abotoro.

Uaana: Karea ma uan te Tamnei ae Raoiroi.

4. Uotakirakena Nei Maria nako Karawa

Uaana: Tangiran Tinara ae Nei Maria ao te mate ae e raoiroi.

5. Baunueanakin Nei Maria i Karawa.

Uaana: Te teimatoa n te karatia ao te baunueanaki n te mimitong.

Miterio n Ota (E anaki n te-Kaabong)

1. Babetitoan Iesu n te karaanga are Ioretan

Uaana: Kinakin ao ataakin Iesu ae Natin te Atua te Tama

2. Rokon Iesu n te mare are i Kaana.

Uaana: Neboani Iesu ae Natin Nei Maria ma ana makuri aika kamimi

3. Katanoataan te Rongorongo ae Raoiroi

Uaana: Butimaeon Iesu ae ana Taeka te Atua ae Maiu

4. Onikakin Iesu i aon te Maunga ae Taabora

Uaana: Taromaurian Iesu ni mimitongina ae moan te Tabu.

5. Moani Katean te Eukari n tairikin te Kaabong Tabu

Uaana: Karinean ao Tangiran Iesu n te Takaramentu ae moan te tabu

41. Tataro ni kainin:-

Ti roko ni kataniira iroum. Tianta Tinan te Atua Ko na tai ribai ara bubuti i nanon ara tai ni kainnana. Kamaiura n aki toki mani baik a buakaka nako. Ngkoe te Baretenia ae Ko kamoamoaki ma ni karaoiroaki, Amen

Atiniban Iesu ae moan te Tabu, Ko nanoangaira,

Tianta Maria, Ko na tataro ibukira

Santo Ioteba, Ko na tataro ibukira

Anera ake tani kawakinira, Kam na kawakinira

Te Míí ní Burabetí:

Taaní íríra Iesu ngaíra te

Ekaretía Katoríka.

í aoní Kíríbatí aíka tí na uaía n

ríkírake n te onímakí.

Ba tí na kabuta te rongorongó

ae raoíroí ae Taekan

ana Tangíra te Atua,

ní maakan te Tamneí ae Raoíroí,

ao n ana íbuobuokí Neí María

ae Tínan te Ekaretía.